

(22) أبو جزمة كريب

أخينا لابس جزمة كريب ماشي ع الأرض عمّال يدب
واللي يزوم يضربه ويسب ويرمي في وشه قشر اللب
أخينا لابس بنطلون كاجوال وعجيب اللون
عمّال يقول باردون باردون ما هي دي أعراض الجنون
أخينا لابس جزمة كريب ماشي ع الأرض عمّال يدب
واللي يزوم يضربه ويسب ويرمي في وشه قشر اللب
أخينا علشان معاه دبلوم عمّال يرمي علينا اللوم
ويقول للنائم قوم 0000 دا احنا بقينا في شهر الصوم
أخينا لابس جزمة كريب ماشي ع الأرض عمّال يدب
واللي يزوم يضربه ويسب ويرمي في وشه قشر اللب
أخينا حاظ علي شعره جيل اللي يشمه يجيله السُّل
وشعره واقف وشكله يعل وحاظ كـولونيا بريحة الفل

أخينا لابس جزمة كريب	ماشى ع الأرض عمّال يدب
واللي يزوم يضربه ويسب	ويرمي في وشه قشر اللب
أخينا أبو جزمة كريب	نفسه في يـوم عا الدنيا يقب
نفسه يصبح غني حرب	ويجيب عـربية جيب
أخينا لابس جزمة كريب	ماشى ع الأرض عمّال يدب
واللي يزوم يضربه ويسب	ويرمي في وشه قشر اللب
أخينا الجن ابن الأيه	شـرابه بأستيك منه فيه
عمّال يشده ويلسع فيه	ما تقولشي محفوظ أبو طاقة
أخينا لابس جزمة كريب	ماشى ع الأرض عمّال يدب
واللي يزوم يضربه ويسب	ويرمي في وشه قشر اللب
وزميله أبو جزمة بانص	عازمه يا ناس علي حفلة دانص
وكممان عازم شلة أنس	تقول عفاريت دولت مش إنس
أخينا لابس جزمة كريب	ماشى ع الأرض عمّال يدب
واللي يزوم يضربه ويسب	ويرمي في وشه قشر اللب
